

Ordinaziun davart ulteriuras structuras dal di (ordinaziun davart structuras dal di)

Sa basond sin l'art. 97 da la lescha davart las scolas popularas dal chantun Grischun (lescha da scola) e sin l'art. 10 da la lescha davart la promoziun da la tgira d'uffants complementara a la famiglia en il chantun Grischun (lescha davart la promoziun da la tgira d'uffants complementara a la famiglia)

relaschada da la regenza ils 19 da mars 2013

Art. 1

¹ Questa ordinaziun vegn applitgada per las premissas, per la renconuschientscha, per la planisaziun, per la realisaziun e per la finanziaziun da las ulteriuras structuras dal di.

Champ
d'applicaziun

² Exclusas dal champ d'applicaziun da questa ordinaziun èn:

- a) la tgira d'uffants complementara a la famiglia;
- b) l'assistenza durant las uras da bloc prescrittas da la lescha.

Art. 2

En questa ordinaziun valan sco:

Noziuns

- a) instituziuns ch'èn responsablas per la scola: vischnancas u corporaziuns da vischnancas che mainan la scola populara publica tenor la lescha da scola;
- b) ulteriuras structuras dal di: purschidas d'assistenza da las instituziuns ch'èn responsablas per la scola a favur da scolaras e scolaras da la scola populara publica che han lieu durant las emnas da scola e che surpassan l'assistenza durant las uras da bloc prescrittas da la lescha;
- c) tgira d'uffants complementara a la famiglia: purschidas d'assistenza da las vischnancas u d'organisaziuns privatas ordaifer las ulteriuras structuras dal di;
- d) unitad d'assistenza cumenzada: unitad d'assistenza d'ina tgira l'avantmezdi u il suentermezdi che na dura betg 1 ura, ma che vegn purschida per almain 30 minutas.

Art. 3

Las ulteriuras structuras dal di pon consistier da las suandantas purschidas d'assistenza:

Purschidas
d'assistenza
1. furmas

- a) tgira d'avantmezdi;
- b) tgira da mezdi;
- c) tgira da suentermezdi.

2. cuntegn e temps	<p>Art. 4</p> <p>¹ La tgira d'avantmezdi cumenza il pli baud a las 07.30 e dura fin il pli tard al cumenzament da la tgira da mezdi.</p> <p>² La tgira da mezdi cumpiglia il gentar e l'assistenza. Ella cumenza cun la fin generala da l'instrucziun d'avantmezdi e finescha cun il cumenzament general da l'instrucziun da suentermezdi.</p> <p>³ La tgira da suentermezdi cumenza il pli baud cun la fin da la tgira da mezdi e dura fin maximalmain a las 18.00.</p> <p>⁴ L'uffizi per la scola populara ed il sport (uffizi) po fixar excepziuns en il cas singul.</p>
Unitad d'assistenza	<p>Art. 5</p> <p>¹ Sco unitad d'assistenza da la tgira d'avantmezdi e da la tgira da suentermezdi vala 1 ura per scolara u scolar.</p> <p>² Ina tgira da mezdi per scolara u scolar vala sco in'unitad d'assistenza.</p>
Obligaziun da purschida 1. basegn	<p>Art. 6</p> <p>¹ Sch'igl exista in basegn d'ulteriuras structuras dal di, èn las instituziuns ch'èn responsablas per la scola obligadas da porscher talas.</p> <p>² In basegn è avant maun, sche las persunas cun la pussanza dals geniturs d'almain otg scolaras e scolars d'in lieu da scola s'obligheschan da profiter d'ina tscherta unitad d'assistenza per il proxim onn da scola.</p> <p>³ Las instituziuns ch'èn responsablas per la scola erueschan mintga onn il basegn. Ellas fixeschan in termin per eruir il basegn. Per l'obligaziun da purschida valan las annunzias ch'èn vegnidas inoltradas fin a quest termin.</p> <p>⁴ Las instituziuns ch'èn responsablas per la scola publitgeschan las purschidas d'assistenza ed ils temps d'assistenza fin il pli tard 2 mais avant il cumenzament da l'onn da scola.</p>
2. perioda	<p>Art. 7</p> <p>L'obligaziun da purschida en cas da basegn vala:</p> <p>a) durant las emnas da scola;</p> <p>b) da glindesdi fin venderdi cun excepziun dals firads;</p> <p>c) da las 07.30 fin a las 18.00.</p>
Cumpetenzas da las instituziuns ch'èn responsablas per la scola	<p>Art. 8</p> <p>¹ Las instituziuns ch'èn responsablas per la scola èn cumpetentas per la gestiun e per la finanziaziun da las ulteriuras structuras dal di.</p> <p>² Ellas pon surdar la gestiun da las ulteriuras structuras dal di per part u dal tutfatg ad organisaziuns privatas. Las instituziuns ch'èn responsablas per la scola fan ina cunvegna cun las organisaziuns privatas.</p>

Art. 9

¹ L'uffizi exequescha questa ordinaziun.

Cumpetenzza da
l'uffizi

² En il rom da la surveglianza controllescha el periodicamain en spezial, sche:

- a) las premissas da la renconuschientscha per las purschidas d'assistenza èn avant maun;
- b) il basegn è vegnì erui correctamain;
- c) las instituziuns ch'èn responsablas per la scola sa participeschan als custs normads almain en la medema dimensiun sco il chantun.

Art. 10

¹ L'uffizi decida davart la renconuschientscha.

Renconuschien-
tscha da las
purschidas
d'assistenza
1. cumpetenzza,
premissas e
durada

² La renconuschientscha da las purschidas d'assistenza vegn concedida, sche las premissas tenor l'artitgel 9 alineas a, d ed f da la lescha davart la promoziun da la tgira d'uffants complementara a la famiglia en il chantun Grischun dals 18 da matg 2003 èn ademplidas.

³ La renconuschientscha vegn mintgamai concedida per maximalmain 4 onns.

Art. 11

¹ Per renconuscher purschidas d'assistenza per l'emprima giada inolteschan las instituziuns ch'èn responsablas per la scola ina dumonda a l'uffizi fin il pli tard la fin da matg. A la dumonda ston vegnir agiuntads ils documents menziunads en l'alinea 3.

2. Procedura

² La renconuschientscha vegn renovada en il rom da l'evaluaziun periodica da las scolas popularas.

³ L'uffizi prenda en spezial invista dals suandants documents:

- a) indicaziuns davart organisaziuns privatas, sche la gestiun da las ulteriuras structuras dal di è vegnida surdada a talas;
- b) cunvegna cun talas organisaziuns privatas;
- c) concept da tgira e da gestiun;
- d) plan da plazzas e qualificaziun da las collavuraturas e dals collavuratur resguardond las prescripziuns dal dretg davart la protecziun da datas;
- e) indicaziuns davart il dumber, davart la grondezza e davart l'equipament da las localitads;
- f) reglament da tariffas.

Art. 12

Cun renconuscher las purschidas d'assistenza valan er las tariffas per las contribuziuns da las personas cun la pussanza dals geniturs sco approvas.

Approvaziun da
las tariffas

Art. 13Contribuziuns
chantunalas

¹ Contribuziuns chantunalas vegnan pajadas per unitads d'assistenza, sche:

- a) las puschidas d'assistenza respectivas èn vegnidas reconuschidas ordavant;
- b) las puschidas d'assistenza respectivas ed ils temps d'assistenza respectivs èn vegnids publitgads uffizialmain il pli tard 2 mais avant il cumenzament da l'onn da scola; e
- c) ellas èn effectivamain vegnidas duvradas.

² Per mintga unitad d'assistenza cumenzada paja il chantun las suandantas pauschalas a las instituziuns ch'èn responsablas per la scola:

- a) 2 francs per unitad d'assistenza da la tgira d'avantmezdi e da la tgira da suentermezdi;
- b) 3 francs per la tgira da mezdi.

³ Las instituziuns ch'èn responsablas per la scola ston far – tenor las prescripziuns dal departament – fin il pli tard ils 31 da fanadur in rendaquint per onn da scola, che cuntegna la cumprova almain dal dumber d'unitads d'assistenza per puschida d'assistenza.

⁴ Las pauschalas correspundan al stadi da l'index naziunal dals pretschs da consum da 103,2 puncts (index da basa dal december 2005). Il departament las po adattar a la chareschia, sche l'index naziunal dals pretschs da consum è sa midà per almain 10 pertschient.

Art. 14Contribuziuns da
las persunas cun
la pussanza dals
geniturs

¹ Las instituziuns ch'èn responsablas per la scola han il dretg d'incassar da las persunas cun la pussanza dals geniturs contribuziuns per financiar las ulteriuras structuras dal di.

² Las contribuziuns ston vegnir reducidas proporziunalmain, sche las contribuziuns chantunalas surpassan ils custs che restan a las instituziuns ch'èn responsablas per la scola.

³ Las instituziuns ch'èn responsablas per la scola pon fixar las tariffas tenor la capaciad economica da las persunas cun la pussanza dals geniturs.

Art. 15

Entrada en vigur

Questa ordinaziun entra en vigur il 1. d'avust 2013.